

I. DISPOSICIÓN XERAIS

MINISTERIO DE XUSTIZA

15456 Orde JUS/1170/2018, do 7 de novembro, pola que se actualiza o anexo II do Real decreto 996/2003, do 25 de xullo, polo que se aproba o Regulamento de asistencia xurídica gratuíta.

A Lei 1/1996, do 10 de xaneiro, de asistencia xurídica gratuíta, garante o mandato contido nos artigos 24, 25 e, especialmente, no artigo 119 da Constitución española, salvaguardando o dereito á tutela xudicial efectiva de todas as persoas. Non en balde, sen o recoñecemento do beneficio de xustiza gratuíta, moitas persoas quedarían á marxe deste acceso á xustiza e sen instrumentos para a defensa dos seus dereitos e intereses lexítimos.

Para tal obxecto, e desde a promulgación da mencionada Lei 1/1996, do 10 de xaneiro, o Estado asume o custo económico derivado da xusta indemnización aos avogados, procuradores e outros profesionais que interveñen nos procesos xudiciais, así como o custo da obtención de probas que, noutras circunstancias, resultarían inasumibles para os cidadáns en situación de vulnerabilidade económica.

Por outra banda, o Regulamento de asistencia de xurídica gratuíta, aprobado polo Real decreto 996/2003, do 25 de xullo, regula os procedementos para o recoñecemento do dereito á asistencia xurídica gratuíta, introducindo, ademais, un procedemento naqueles procesos xudiciais e administrativos que teñan causa directa ou indirecta na violencia de xénero, en cumprimento da Lei orgánica 1/2004, do 28 de decembro, de medidas de protección integral contra a violencia de xénero. Este real decreto foi modificado polo Real decreto 1455/2005, do 2 de decembro, polo que se modifica o Regulamento de asistencia xurídica gratuíta.

A presente orde ten por obxecto a actualización do anexo II do precitado regulamento mantendo, con todo, o esquema básico deseñado naquela norma, que establece módulos e bases de compensación, en función de cada unha das actuacións singulares realizadas ante os tribunais.

Esta actualización busca temperar a depreciación económica sufrida ao longo dos últimos anos, como consecuencia da conxelación dos módulos compensatorios das actuacións desempeñadas por avogados e procuradores, así como atender, na medida das dispoñibilidades orzamentarias actuais, a maior complexidade e dedicación que exige a evolución do exercicio do dereito de defensa ante os tribunais. Non en balde, resulta innegable que a garantía dunha asistencia xurídica de calidade debe verse amparada por unha adecuada compensación do traballo realizado por quen materializa, en favor das persoas máis desfavorecidas, o dereito á tutela xudicial efectiva mediante a súa defensa e representación no proceso.

Desta forma, o incremento económico, que se materializa por medio desta orde ministerial, é o maior dos acometidos ata agora polas administracións públicas con competencias en materia de asistencia xurídica gratuíta e responde ao previsto na Lei 6/2018, do 3 de xullo, de orzamentos xerais do Estado para o ano 2018, aumentando o orzamento en asistencia xurídica gratuíta do Ministerio de Xustiza para as comunidades autónomas que non asumiron competencias en materia de Administración de xustiza nun 33 %, o que se traduce nun incremento total de 12 millóns de euros.

Así mesmo, especial atención merece o tratamento dado ás actuacións derivadas do asesoramento e asistencia inmediata á muller vítima de violencia de xénero que, en cumprimento da Lei orgánica 1/2004, do 28 de decembro, foi introducido como capítulo separado, en virtude do Real decreto 1455/2005, do 2 de decembro, e que experimenta, a través da presente orde ministerial, un incremento xeral dun 35 %.

Este incremento manifesta, de forma clara, a vontade plasmada por todas as forzas políticas no Pacto de Estado en Materia de Violencia de Xénero e permitirá reforzar o sistema de asistencia xurídica gratuíta a mulleres vítimas de violencia de xénero e redundar, sen dúbida, nun perfeccionamento da asistencia e nun aumento da capacidade para o asesoramento e a asistencia legal ás mulleres vítimas de violencia de xénero.

Finalmente, cabe sinalar que esta orde se adecúa aos principios de boa regulación previstos no artigo 129.1 da Lei 39/2015, do 1 de outubro, do procedemento administrativo común das administracións públicas.

Por todo o anterior, e de conformidade co punto 2 do artigo 37 do Regulamento de asistencia xurídica gratuíta, aprobado polo Real decreto 996/2003, do 25 de xullo, logo de informe do Consello Xeral da Avogacía Española, do Consello Xeral dos Procuradores de España e do Ministerio de Facenda, dispoño:

Artigo único.

Actualízase o anexo II do Regulamento de asistencia xurídica gratuíta, aprobado polo Real decreto 996/2003, do 25 de xullo, que se incorpora como anexo á presente orde ministerial.

Disposición transitoria única. *Efectos económicos.*

Os módulos e bases de compensación económica previstos no anexo a esta orde ministerial serán de aplicación ás actuacións profesionais realizadas a partir do 1 de xaneiro de 2018.

Disposición derradeira única. *Entrada en vigor.*

A presente orde entrará en vigor o día seguinte ao da súa publicación no «Boletín Oficial del Estado».

Madrid, 7 de novembro de 2018.—A ministra de Xustiza, Dolores Delgado García.

ANEXO

«ANEXO II

Módulos e bases de compensación económica - Avogados

Asistencia ao detido ou preso

Asistencia individualizada (procedemento penal xeral)	81,14 €
Asistencia individualizada (procedemento axuízamento rápido)	72,12 €
Servizo de garda de 24 horas. Asistencia ao detido-Audiencia Nacional	157,64 €
Servizo de garda de 24 horas. Asistencia ao detido (procedemento penal xeral)	154,16 €
Servizo de garda de 24 horas. Asistencia ao detido en procedemento de axuízamento rápido (carácter excepcional)	72,12 €

Asesoramento e asistencia inmediata á muller vítima de violencia de xénero

Por dispoñibilidade cando non sexa requirida a asistencia durante o servizo de garda de 24 horas	81,14 €
Por dispoñibilidade e asesoramento previo prestado sen que a vítima requirise ningunha outra actuación no servizo de garda, por cada asistencia (cun límite de 162,28 euros)	81,14 €
Por dispoñibilidade e por asesoramento previo prestado con asistencia na formulación da denuncia ou solicitude de orde de protección, por cada asistencia (cun límite de 243 euros)	121,50 €
Vía previa administrativa ou conciliación previa en materia laboral	81,14 €

Gastos de desprazamento, se o lugar en que hai que prestar a asistencia:

– Dista máis de 5 km da sede do colexio en cuxa circunscrición se comprende o partido xudicial	13,06 €
– Dista máis de 25 km da sede do colexio en cuxa circunscrición se comprende o partido xudicial	32,68 €
– Dista máis de 50 km da sede do colexio en cuxa circunscrición se comprende o partido xudicial	54,45 €

Xurisdición penal

Procedemento con tribunal do xurado	405,69 €
Procedemento penal de especial complexidade	360,61 €
Por cada mil folios	22,41 €
A partir de cinco comparecencias ante o xulgado, por cada cinco comparecencias . .	24,30 €
A partir de dous días de vista, por cada día	64,91 €
Procedemento penal de especial complexidade ante a Audiencia Nacional	378 €
Por cada mil folios	22,41 €
A partir de cinco comparecencias ante o xulgado, por cada cinco comparecencias . .	22,80 €
A partir de dous días de vista, por cada día	68,40 €
Procedemento penal xeral	324,54 €
Procedemento penal xeral ante a Audiencia Nacional	339,60 €
Procedemento abreviado	270,00 €
Procedemento abreviado ante a Audiencia Nacional	270,00 €
Procedemento de axuizamento rápido con asistencia a detido	273,38 €
Procedemento de axuizamento rápido sen asistencia a detido	264,00 €
Procedemento penal de menores, incluída peza de responsabilidade civil	270,00 €
Procedemento penal de menores ante a Audiencia Nacional	270,00 €
Expedientes de vixilancia penitenciaria	137,03 €
Expedientes de vixilancia penitenciaria ante a Audiencia Nacional	140,92 €
Asistencia á comparecencia da orde de protección	81,14 €
Xuízos de faltas	94,50 €
Procedemento abreviado con desprazamento para a asistencia a xuízo oral	268,85 €

Gastos de desprazamento por saídas a centros de prisión:

– Se distan máis de 5 km da sede do colexio en cuxa circunscrición se comprende o partido xudicial	14,42 €
– Se distan máis de 25 km da sede do colexio en cuxa circunscrición se comprende o partido xudicial	34,50 €
– Se distan máis de 50 km da sede do colexio en cuxa circunscrición se comprende o partido xudicial	50,00 €

Xurisdición civil

Xuízo ordinario	320,87 €
Verbal	202,50 €
Xuízo completo de familia contencioso	270,00 €
Medidas provisionais	72,12 €
Xuízo completo de familia de mutuo acordo	162,00 €
Filiación, paternidade, capacidade	240,00 €
Monitorio	157,16 €
División xudicial de patrimonios	202,50 €
Cambiarío	202,50 €
Solicitud e asistencia ás medidas previas de separación e divorcio	72,12 €
Solicitud e asistencia á vista das medidas preventivas previas ou provisionais do artigo 770.6.ª da Lei 1/2000, do 7 de xaneiro, de axuizamento civil	72,12 €
Procesos sobre garda e custodia ou alimentos de fillos menores	144,00 €

Petición de eficacia civil de resolucións de tribunais eclesiásticos	72,12 €
Procedemento completo de modificación de medidas	121,50 €
Xurisdición voluntaria	180,00 €

Xurisdición contencioso-administrativa

Vía administrativa previa (extranxeiría e asilo)	97,36 €
Vía administrativa previa (extranxeiría e asilo) ante a Audiencia Nacional	90,00 €
Recurso contencioso-administrativo	238,00 €
Recurso contencioso-administrativo ante a Audiencia Nacional	249,60 €

Xurisdición social

Procedemento íntegro	158,66 €
Recurso de suplicación	86,54 €

Xurisdición militar

Fase sumarial	72,12 €
Fase xuízo oral	142,91 €

Recursos

Recurso de casación	301,50 €
Recurso de casación cando non se formaliza e hai só anuncio	28,85 €
Recurso de amparo	301,50 €
Recurso de apelación	122,60 €

Normas xerais

Transaccións extraxudiciais	75% da contía aplicable ao procedemento.
Informe motivado da non sustentabilidade da pretensión	40,57 €

Procedementos en vía administrativa

Solicitudes e reclamacións	20,00 €
Recursos en vía administrativa	60,00 €

Módulos e bases de compensación económica - Procuradores*Xurisdición penal*

Todos os procedementos	24,34 €
Apelacións	25,25 €

Xurisdición civil

Todos os procedementos	32,45 €
Apelacións	25,24 €»